

【國家社會科學基金重大項目】

何建明 主編

中國地方志
佛道教文獻匯纂

人物卷

(119)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（ 119 ）



國家圖書館出版社

中國地方志佛道教文獻匯纂·人物卷
四川省 達州市

達縣志

藍炳奎等修 吳德準等纂

民國二十七年（一九三八）袁濟安增補鉛印本

達縣志卷十六

人物門

釋道

仁義道德禮樂刑政諸大端皆出於儒術爲約束人心宰治天下之具此今昔所同也自二氏行入中國始有釋教道教之名其說自精微玄妙其旨則虛無寂滅要皆勸人爲善戒人爲惡故雖盛世不之禁且使之崇闡其寺院披度其徒侶復於縣置僧道會各一人以備祈禱清醮亦神道設教之意也縣屬著名大叢林爲數無幾然數百年來緇黃之流亦間有一二可述紀者而今已式微矣志釋道

王綱李家志俱乾隆時人在大龍洞修養二人頗有異術殁後其鄉人凡請雨祈福稱誦二人之名無不靈驗

天機金剛寺僧徐添德倡亂生員唐盛才相扶九等聚義勇千餘人堵禦天機助餉糈二百餘石嘉慶六年又捐銀八百餘金修清平寨鄉之老弱賴以安堵七年正月賊竄過寨欲肆掠劫天機率衆奮勇殺賊數人旋爲所戕

蔣德化相傳卽孝子成壽葬父後遁出不知所之越五年乃現身高平寨關帝廟中易名德化不食人間煙火趾甲長尺許曲入足心與人談休咎每應如響寺僧禮奉爲師乃於釋門別開一派名青雲派入其教者實繁有徒一時聲名所至遠近之信仰

崇拜者絡繹於道香火稱盛焉知府孫公聞其靈應往求子德化贈桃樹一盆枝上有桃實一枚色燦然攜歸署命其細君吞之果生一子孫公始書眞佛山三字名其地於是信從者益衆後有石橋河文生楊明德入寺養病久而忘返其妻妾至寺勸之歸明德不從妻妾憤甚遂控於學官衙役至明德又拒之役遂執明德逼行明德久病不支仆於地寺僧疑衙役毆明德羣起逐役役歸以德化聚衆惡爲僧邪說誣民言學官白之知府知府陳公令知縣曰公究治而張廣等又乘機誣德化惡跡十條曰公捕德化鞠之案久不決瘦死獄中其徒愼安松安等三走京師上訴皆不得直而終

濟陽大師湖南新化縣邵氏子五歲不茹葷而性好佛父母心知其異幼薙髮樂至古佛宮受戒於道成長老二十歲往投聖水堂歸嚴宗和尚派下是稱靈濟好雲游足跡半天下一日至江南金山寺挂褙寺中例凡飛錫者必入定功深始得授餐濟曉不得食乃立心同寺參禪不復浪游由是習坐日久漸能七日不出矣時西聖寺惠山和尚亦與濟曉同參者常於禪定中彼此往來談心遇有要事或下座洩一二語人相驚以爲神而濟曉之卓錫於復興寺則解空迎之也解空上人者俗姓陳名浩賢達之木子場人也有妻子而性耽佛釋學常有出家之志所居近冉家觀觀之規模殊小於是改造擴大之捨家產之半爲常業易名爲復興寺嘉慶十五年迎濟曉

大師開期傳戒解空摩頂遂得領釋氏之要每遇戒期剃度者常百餘人居然一大叢林矣某年日濟曉登法臺講經後告衆門徒並護法三十五人曰老僧化緣已周當於某日去後至期濟曉喚衆僧至升座合掌而說偈曰日日常看無字經無頭無尾亦無形不論忙閒將心念此卷真來最妙靈說畢遂示寂時道光三年六月也僧臘俗壽當時已不得其詳四年建塔稱開山祖焉

康道人隱其名亦不知何許人也體魁梧武勇絕倫手一鐵鐮重五六十斤而運之成風操二鐵丸擊飛鳥無不中仲兩臂懸十二三歲童子八九人行百餘步不少曲人更以是奇之尤有異軀常以箸入烈火經時不焦豎瓢中水直上高半許如水柱游戲市廛間所至觀者如堵初居嚴鏡寺善療人疾有造室求治者道人施手術或推或捻只數下無不立效更妙以三昧真火治婦女癆瘵輒愈渡市之報本寺前一深潭有蛟蟠其中往往天陰則出作牛鳴居人多懼之道人往租其寺爲脚庵每當風雨如晦之時道人則攜鐮握丸趺坐於潭之上流蛟噪不復作聲人於是頌道人有降龍伏虎之功道人喜清淨日必沐浴雖隆冬不改其常自言乾隆四十九年生至光緒十一年羽化當年百又二齡然望之如八十許人葬寺側屢著靈顯今漸替土人多疑爲冷天祿變裝匿名隱此又云歿後見所用禪杖上刊有冷天祿三字

李洪海五龍寺道人初家大竹雙輦橋貧乏無甌石儲而事父母極孝早有方外志至

壯歲不肯娶父母怒責之始得娶婦及父母繼歿貧不能殮預約售傭工值若干乃得買槨而葬焉服除語其婦曰我年已四十爾亦不育天殆斬絕吾嗣吾將出家修煉爾其大歸可也婦知其志堅涕泣而去洪海遂入寺持齋初不識字自是若有夙悟凡道經丹訣過目卽成誦一日有緇黃者來顧而笑曰徒誦經無益盍雲遊天下以訪名師乎洪海以爲然乃草履道袍帶瓢飛錫遊花萼五當太白諸名勝不辭跋涉辛苦所至募化諸檀越卽以所得布施培植其地寺院能忍餓雖數十日不食自若也其殆得辟穀術歟後由陝西二龍山歸今九十六歲矣其徒云師健飯善走日耕土樵山如二三十歲人

潘道真咸豐時火居道士奉誦華嚴經甚虔能於光天化日下興雲布霧

何清朝清初道士道行高妙住持繡子場峯頂山寺寺古剎也近寺苦無水一勺之多恆來自山下清朝乃往大魚洞請之一時洞水湧出紅魚二尾清朝攜歸繫池養之誦經四十九日遂還洞中由是池水涓流瀦瀦而不溢取用而不竭鄉人聞其奇異相率問道者不絕於途寺中香火復興其後清朝他去而池中水至今不涸山境清雅稱勝蹟焉

中國地方志佛道教文獻匯纂·人物卷
四川省 達州市

達縣磐石鄉志

張子履編

民國三十四年（一九四五）鉛印本

通志卷之六

建縣縣志卷四

人物門(上)

僧道

按本縣有廟之僧，皆居住寺內，奉佛事，司香火，或供人消災祈福，作

齊整，建道場，安龍謝土，而祀禮懺而已。均無奇特足稱之點。故時道教有清虛火居兩派，本鄉只有火居，學者甚少，而又僅能為人誦經，醮醮，藉糊身口，無深取義，故不贊及。

堪輿

堪輿者，卽造葬所講究龍穴砂水向之地師也，有諸家三元兩派。本鄉雖不乏人，但鮮祖家，又常各執己見，互相詬誶。遂使局外人不知所宗，平庸者固勿論矣，而高明如江蘇鹽城之楊庚，人號地仙，民國三十年，避倭來場，卜葬張子履等雙親之地，據稱佳穴，預定穴場運紋體象，屆時破土，衆悅不慮。民國三十三年，梁山地師景新，到地查覓，認爲花假，毫無取材，又如楊後堰塋，有謂宜毀，有謂常留，其說不一，由此可見一般矣。蓋附民國三十三年十二月二十日，梁山地師景新推斷本鄉市場吉凶預言，是否可信，姑錄之以待考驗。

一、查鄉公所坎坐離向，合按星之克入法，主出人正大光明。

二、場樓天保寨屬乾亥，有三聖宮廟壓龍之旺方，主場上文人不上進，壽不永年，如將廟移去，午運內大有發展。

三、鄉公所後之畝池，壬子午年疾病多，若填平常少此害。

四、場右畝邊無砂缺空，合於星二七同宮，逢庚辛未酉申之年，遭回祿之災，主在外經營事業，多謀少成，不能積聚，若將此缺培補，必無此害。

中國地方志佛道教文獻匯纂·人物卷
四川省 達州市

萬源縣志

劉子敬等修 賀維翰等纂

民國二十一年（一九三二）大中印務局鉛印本

仙釋

徐元直蜀漢時人既被曹魏以詐術籠絡歸已心常鬱鬱值西涼兵起乘間請往撫御遂隱花萼山成道仙去山頂舊有廟祀之不知始於何時相傳昔有樵子入山見古衣冠人著草屨長尺有咫倚松偃息即姓名言爲蜀漢徐庶自是恆與山中人往來農夫野叟習見不察亦莫知爲誰何也後有士夫聞知偕山

氓遍訪不得遂爲鳩金建祠宇肖像以祀清嘉慶中提督羅思舉重修廟宇並新製神像聞其上有煉丹臺遺跡通志載花岳山世傳漢花岳大隱之地卽此

參志

覃 意明嘉靖時諸生兩舉不第絕意進取遨遊湖海間久之得異人傳授歸隱羅市煙霞山自號物外子苦煉四十九年羽化飛昇山舊名塔子因公於此造石塔作爲藏身修煉之所故名及羽化後鄉人又以崖間公曾題有嘯傲煙霞四字因更名煙霞山近三百年來扶世佑民靈跡顯著始由汪君春泉創建廟屋嗣經陳君仕閣住持此山補修殿宇宏壯輝煌莊嚴其相頓改舊觀迄今猶盛

參舊志及訪冊

唐明光二區武聖廟先年住持道士也原籍太原嘉慶四年貿易來縣越十四歲遂投身立門恪守清規及將羽化曾自述其

略云雖歷久課誦未能辟穀絕粒如古仙有服氣煉形之術然
數聲清磬半盞寒燈不過純養心性而已敢云掃榻談經皎然
千古哉觀此可知其迥異流俗矣

淨瀚齊眉寺僧寺爲古刹不知始於何時清初燬廢迄嘉慶時
淨瀚乃募款重修威遠訓導邑人張雲程春遊宿其齋房平明
觀花木芬芳羣鳥和鳴謂若散天花遊香國非復凡境淨瀚身
居其間得大自在深悟禪機後又兼金沙寺傳法澄湫尙能承

其衣鉢云

採訪冊

附張孝友

邑恩貢

贈淨瀚詩

我佛慈悲轉向東傳來衣鉢應相同乘參上上心能悟想入非非道

始通虛掩禪關半壁月獨留梵室滿園風而今正果修成候莫說度人經未融

中國地方志佛教文獻匯纂·人物卷

四川省 達州市

四川宣漢縣志

龐麟炳 汪承烈等纂修

民國二十年（一九三一）石印本

僊釋

西來寺百僧明末張獻忠之亂屢以賊戰力盡投河死後因名寺
前河曰百節溪清知縣張少齋結詩社於此弔百僧詩甚多
詳見祠寺

僧如闕性洪常德德輝性玉常璿常茂本延本潤常盈均王三槐
之亂城陷死難